

*Axis* florifer antice, varie ob Flores adpressos excavatus, postice nudus, ob spicas invicem adpressas sæpe oblique planiusculus.

**CAL.** biglumis, uniflorus: *glumis* linearibus, acutis, complicato-carinatis: altera interiore paulo brevior multoque angustiore: muticis.

**COR.** biglumis; *glumis* lanceolatis, concavo-carinatis, calyce paulo longioribus & latioribus: altera paulo minori.

**STAM.** *Filamenta* tria, brevia. *Anthera* lineares.

**PIST.** *Germen* lineare, oblongum, sursum latius. *Styli* duo, longitudinaliter villosi.

**PER.** . . .

**SEM.** . . .

Qua Genus omnino eadem cum præcedenti, licet facies totaliter diversa, ut mihi videtur.

## FESTUCA.

5. **FESTUCA** *calycina* panicula contracta, spiculis linearibus muticis longitudine calycis flosculorum.

*Radix* fibrosa, alba, tenuissima: fibrillis longis, simplicibus, glabris vel pubescentibus; fasciculos culmorum & foliorum protrudens.

*Culmi* setacei, triarticulati seu duobus geniculis leviter inflexis instructi, erecti.

*Folia* radicalia aggregata, setacea, semiuncialia vel uncialia, basi lanuscula, superius convoluta, plerumque glabra, interdum per mediam partem pilis longis, raris, albis hirsuta.

Culmorum brevia, setaceo-convoluta vel glabra, vel sæpe in eadem planta hirsuta pilis raris, longis, præsertim basin versus.

*Vagina* longæ, filiformes, subtiliter striatæ.

*Membranula* vix ulla, sed pili longi, exstantes, albi, copiosi, ejus loco cingentes vaginam & intus & foris ad basin foliorum.

*Flores* in panicula erecta, contracta, semiunciali circiter colliguntur.

*Pedun-*